

八不中道觀

(一)不徧謂之中。不邪謂之正。中道即是正道也。

(二)三論至極之宗旨。八不也正觀。不生不滅。不斷不常。不一不異。不來不出。反之則為。生滅斷常。一異去來。是為八迷。

(三)不門雖無量。此八該攝一切法

本瓔珞經曰。二諦義者。不一亦不二。不常亦不斷。不來亦不去。不生亦不滅。(八不也)

涅槃二十七曰。十二因緣。不出不滅不常不斷非一非二不來不去非因非果(十不也)龍樹及承之

智度論五曰。如說諸法相偈。不生不滅不斷不常不一不異不去不來。因緣生法。滅諸戲論(八不也)

同七十四曰。觀一切法不生不滅。不增不減。不垢不淨。不來不去。不一不異。不常不斷。非有非無(二非十二不也)中論疏二曰

八不者蓋是正觀之旨歸。方等之心骨也。定佛法之徧正。示得失之根源。迷之則八萬法藏冥若夜遊。悟之則十二部經如對白曰。

止觀六曰。橫門者。如中論八不：一論明八門。諸經論則無量。

八宗綱要下曰。八不妙理之風。拂妄想戲論之塵。無得正觀之月。浮一實中道之水。(八不顯實也)